

## Paerewa Paetae

<b>Aronga</b>	Hangarau 1.5		
<b>Ingoa</b>	Te whakamahi rawa, tukanga rānei mai i te mātauranga Māori hei hanga i tētahi hua hangarau mō te ao hurihuri nei		
<b>Kaupae</b>	1	<b>Whiwhinga</b>	6
		<b>Aromatawai</b>	Ā-rotō
<b>Marau akoranga</b>	Te Marautanga o Aotearoa		
<b>Kokonga akoranga</b>	Hangarau		
<b>Mana rēhita</b>	Kua rēhitatia	<b>Te rā i mana ai</b>	12 Hakihea 2013
<b>Te rā e arotakengia ai</b>	31 Hakihea 2020	<b>Te rā i puta ai</b>	12 Hakihea 2013

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### Ngā Āhukatanga o te Hangarau

- Ka tirohia ngā uara me ngā whakapono o iwi kē, ka:*
  - whakahāngai ki te otinga;*
  - mōhio ki ngā whakaharatau;*
  - whakarite ki ngā hangarau a tangata kē;*
  - mārama ki ngā ārai me ngā huarahi wātea ka taea.*
- Ka tūhura i ngā āhukatanga matua o te tangata e pā ana ki:*
  - ngā pūnaha, ngā tukanga rānei;*
  - te hiahia o ngā kiritaki;*
  - ngā rautaki whakatairanga ki te kiritaki.*

#### Te Whakaharatau Hangarau

- Ka arohaehae i ngā whakatakotoranga hoahoa whaiaro, ā ētahi atu hoki, hei āwhina.*
- Ka whakamātautau i ngā raraunga me ngā mōhiotanga hou kia puta ai he otinga tika.*

E hono ana ki te Papa Whakaako mō Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakamahi rawa, tukanga rānei mai i te mātauranga Māori hei hanga i tētahi hua hangarau mō te ao hurihuri nei.</p>	<p>Hei tohu i te paetae:</p> <ul style="list-style-type: none"> <li>• Ka whakamahi i tētahi rawa, i tētahi tukanga rānei mai i te mātauranga Māori kia puta ai he hua hangarau whaitake mō te ao hurihuri.</li> <li>• Ka whakaahua i ngā āhuatanga o te rawa, o te tukanga rānei mō taua hua hangarau.</li> </ul>
<p><b>Kaiaka</b> He kaiaka te whakamahi rawa, tukanga rānei mai i te mātauranga Māori hei hanga i tētahi hua hangarau mō te ao hurihuri nei.</p>	<p>Hei tohu i te kaiaka:</p> <ul style="list-style-type: none"> <li>• Ka arotake i te whaitake o taua hua hangarau i roto i te taiao e whakamahia ai taua hua hangarau.</li> </ul>
<p><b>Kairangi</b> He kairangi te whakamahi rawa, tukanga rānei mai i te mātauranga Māori hei hanga i tētahi hua hangarau mō te ao hurihuri nei.</p>	<p>Hei tohu i te kairangi:</p> <ul style="list-style-type: none"> <li>• Ka parahau i te whaitake o taua hua hangarau mā te whakamātautau me te ui i ngā whakaaro o te hunga e whai pānga ana.</li> </ul>

**Kōrero Āpiti**

1 E whai ake nei ko te whakamāramatanga o ngā kupu whaitake, kīanga rānei:

rawa	Ngā rauemi, ngā papanga me ngā taputapu.
tukanga	Ngā mahi, ngā tikanga, ngā kaupapa hei whakarerekē rānei, hei whakaū rānei i tētahi āhuatanga.
mātauranga Māori	Ngā mātauranga, ngā māramatanga me ngā whakapono o te Māori. Nō nehe, nō nāiane, ā, mō āpōpō hoki. He mātauranga anō tō tēnā hapū, tō tēnā iwi.
Ngā āhuatanga o te rawa, o te tukanga rānei	Ko ngā āhuatanga ōkiko, ngā āhuatanga o te taiao e whakamahia ai taua hua hangarau, ngā tauira hangarau, ngā āhuatanga o te ao hurihuri nei, tae atu rā ki ngā whakaaro o te whānau/hapū.

Hei tēnei aromatawai ko te hua hangarau e kōrerohia ana, ko tētahi hanga tonu.

Kuputaka:  
hua hangarau

technological outcome

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233